

BOSNA I HERCEGOVINA

FEDERACIJA BOSNE I HERCEGOVINE

VLADA

БОСНА И ХЕРЦЕГОВИНА

ФЕДЕРАЦИЈА БОСНЕ И ХЕРЦЕГОВИНЕ

В Л А Д А

BOSNIA AND HERZEGOVINA

FEDERATION OF BOSNIA AND HERZEGOVINA

GOVERNMENT

Antikorupcioni tim Vlade Federacije Bosne i Hercegovine

I N F O R M A C I J A

o realizaciji aktivnosti iz Akcionog plana za provedbu Strategije za borbu protiv korupcije 2016.-2019. Federacije Bosne i Hercegovine

Sarajevo, decembar 2017

UVOD

Korupcija je ozbiljan problem u savremenom svijetu koji je, u različitim oblicima i razmjerama prisutan svugdje, pa i u ekonomski snažnim, demokratskim i organiziranim državama. Korupcija predstavlja posebnu opasnost za države u tranziciji, u kojima demokratski, institucionalni i vrijednosni sistemi još nisu dovoljno izgrađeni. Bosna i Hercegovina, kao tranzicijska zemlja, u posljednje vrijeme preduzima određene systemske aktivnosti na suprotstavljanju korupciji kao jednom od ključnih izazova vladavine prava u procesu proširenja Evropske unije.

Svjesni činjenica da je borba protiv korupcije dug i kompleksan proces u kojem nema brzih i jednostavnih rješenja, kao i potrebe provođenja kontinuiranih aktivnosti po pitanju identifikacije uzroka korupcije, kao i adekvatnih načina borbe protiv korupcije, Vlada Federacije Bosne i Hercegovine na svojoj 69. sjednici održanoj 16.09.2016. godine donijela je Odluku o usvajanju Strategije za borbu protiv korupcije 2016.-2019. Federacije Bosne i Hercegovine i Odluku o usvajanju Akcionog plana za provedbu Strategije za borbu protiv korupcije 2016.-2019. Federacije Bosne i Hercegovine („Službene novine Federacije BiH“, broj 75/16).

Vlada Federacije Bosne i Hercegovine je sredinom 2012. godine prvi put donijela strateški okvir za suprotstavljanje korupciji u vidu „*Opšteg plana Vlade Federacije Bosne i Hercegovine u borbi protiv korupcije*“.

Strategija za borbu protiv korupcije 2016.-2019. Federacije BiH (u daljem tekstu strategija), predstavlja nastavak sistemskog, planskog i institucionalnog pristupa suprotstavljanju korupciji u Federaciji BiH.

Strategija je kreirana na osnovu kvalitetne analize situacije, procjene potrebnih sredstava za njeno provođenje a uz primjenu adekvatnog metodološkog pristupa. Pri izradi Strategije formirana je Interresorna radna grupa od predstavnika nadležnih federalnih ministarstava, te relevantnih predstavnika nevladinog sektora i eksperata iz akademske i međunarodne zajednice, čime je osigurana najšira javna rasprava. Strategija i Akcioni plan za provedbu Strategije za borbu protiv korupcije 2016.-2019. Federacije BiH (u daljem tekstu Akcioni plan) predviđaju provodive, jasne i konkretne ciljeve, koji uvažavaju sve specifičnosti administrativnog uređenja Federacije BiH.

Strategija je usklađena sa međunarodnim standardima, obavezama zemlje iz ratificiranih antikorupcijskih konvencija, sa domaćim zakonodavstvom, ali i bazirana na dobrim, domaćim i međunarodnim praksama, te se temelji i na opštim principima utvrđenim u državnoj strategiji za borbu protiv korupcije (Strategija za borbu protiv korupcije BiH 2015.-2019. koju je Vijeće ministara BiH usvojilo na svojoj 6. sjednici održanoj 07.05.2015. godine).

Pored činjenice da je razvijanje strateškog okvira za suprotstavljanje korupciji prema Zakonu o Agenciji za prevenciju korupcije i koordinaciju borbe protiv korupcije („Službeni glasnik BiH“ broj: 103/09 i 58/13), obaveza za Federaciju Bosne i Hercegovine, razlozi za usvajanje Strategije za borbu protiv korupcije 2016.-2019. Federacije Bosne i Hercegovine izraz je opredjeljenosti i ustrajnosti za borbu protiv korupcije i okvir za koherentan i sveobuhvatan pristup za jačanje integriteta i kvaliteta upravljanja i odgovornosti u ovom entitetu.

Strategija služi kao opći okvir za djelovanje u oblasti suprotstavljanja korupciji u cjelokupnom društvu Federacije Bosne i Hercegovine. Temeljne orijentacije u ostvarivanju strateških ciljeva su prevencija, represija, razvijanje svijesti o štetnosti korupcije i saradnja sa građanskim društvom.

Nakon usvajanja Strategije i Akcionog plana, Antikorupcijski tim Vlade Federacije Bosne i Hercegovine promovirao je ove dokumente objavom na web stranici Vlade Federacije BiH. Kroz projekat podrške Vladi Federacije u borbi protiv korupcije, Antikorupcijski tim Vlade Federacije BiH uz pomoć Vlade Velike Britanije kreirao je tvrdi dizajnirani uvez ovog strateškog dokumenta koji je sukcesivno distribuiran prema svim relevantnim akterima njegove provedbe. Napominjemo, Antikorupcioni tim je obavijestio federalne organe uprave, federalne upravne organizacije, pravna lica u kojima federalni organi uprave i upravne organizacije imaju nadležnosti po osnovu zakonskih i vlasničkih prava o usvajanju ovog strateškog dokumenta. Dodatno, na inicijativu Antikorupcionog tima, Vlada Federacije BiH na svojoj 100. sjednici održanoj 27.04.2017. godine usvojila je Zaključak kojim, „Vlada Federacije Bosne i Hercegovine zahtijeva od javnih federalnih organa, institucija, tijela i pravnih lica, da neodložno, u skladu sa planiranim aktivnostima i vremenskim rokovima iz Akcionog plana za provođenje Strategije za borbu protiv korupcije 2016.-2019., poduzmu mjere na realizaciji obaveza iz svoje nadležnosti“. Zaključak je posredstvom Generalnog sekretarijata Vlade Federacije BiH dostavljen svim nadležnim institucijama za njegovu provedbu.

Strategijom za borbu protiv korupcije 2016.-2019. Federacije Bosne i Hercegovine, u poglavlju 5.4. „Koordinacija, monitoring i evaluacija antikorupcijskih aktivnosti predviđeni su mehanizmi za praćenje/ocjenu i procjenu učinka provedbe strategije, između ostalog i periodična evaluacija provedbe antikorupcijskih aktivnosti i saradnja sa drugim specijaliziranim tijelima u oblasti koordinacije i monitoringa antikorupcijskih aktivnosti“. U pratećem Akcionom planu za provedbu Strategije detaljnije su planirane mjere, aktivnosti, nosioci aktivnosti i vremenski rokovi za realizaciju aktivnosti, koje se između ostalog odnose i na praćenje ostvarenih rezultata.

Koordinaciju i praćenje realizacije planiranih aktivnosti iz Akcionog plana za provođenje Strategije za borbu protiv korupcije vrši Antikorupcioni tim Vlade Federacije Bosne i Hercegovine.

Kako je u koncipiranju Strategije primijenjen tzv. integrirani pristup, tako Strategija tretira sve važne oblasti borbe protiv korupcije: prevenciju korupcije; suzbijanje korupcije; razvijanje svijesti o štetnosti korupcije i saradnju sa građanskim društvom; i koordinaciju, monitoring i evaluaciju antikorupcijskih aktivnosti. Ovaj pristup je osigurao utemeljenost antikorupcijskih aktivnosti na činjenicama, što dodatno osigurava transparentnost, nepristrasnost, stručnost, inkluzivnost, sveobuhvatnost, mjerljivost i orijentiranost na učinak, što su principi u borbi protiv korupcije koje zagovaraju UN.

Strateški ciljevi su razrađeni kroz prioritetne strateške programe iz kojih proizilaze mjere za njihovo provođenje koje se operacionaliziraju kroz Akcioni plan, sa precizno određenim aktivnostima, vremenskim rokovima, institucijama nadležnim za provođenje, indikatorima uspješnosti i potrebnim resursima.

Shodno nadležnostima Antikorupcionog tima i ulogom koju ima u procesu provođenja strateških antikorupcijskih dokumenata (inicijator, koordinator aktivnosti i neposredni

provodilac aktivnosti), Antikorupcioni tim vrši i monitoring provođenja Strategije i Akcionog plana. Kako bi Antikorupcioni tima taj zadatak ispunio kvalitetno, potrebno je da od neposrednih provodilaca aktivnosti dobije sve potrebne i relevantne informacije o provođenju Strategije i Akcionog plana.

Svi podaci iz ove informacije temelje se na izvještajima i faktografiji koje su Antikorupcionom timu dostavile institucije Federacije BiH, neposredno provedenim aktivnostima Antikorupcionog tima, praćenjem aktuelnosti i aktivnosti svih aktera na polju borbe protiv korupcije u Federaciji BiH.

PREDMET INFORMACIJE

Centralnu ulogu u praćenju provođenja Strategije i Akcionog plana, na osnovu dodijeljenih zadataka iz Rješenja o formiranju, ima Antikorupcioni tim. Strategija i Akcioni plan doneseni su kako bi se postigli predviđeni rezultati i efekti a što bi bilo otežano ako se periodično ne procjenjuju njihovi efekti. Zbog toga su praćenje i evaluacija sastavni dijelovi strateških programa bez kojih se ne može zaključivati o rezultatima antikorupcijskih aktivnosti. Svrha praćenja i evaluacije nije samo prikupljanje podataka o napretku ili neuspjehima u provođenju aktivnosti na planu suprotstavljanja korupciji, nego i preduzimanje mjera kako bi se odклонili ili smanjili nedostaci, te identificirali novi elementi koji bi se ugradili u postojeće ili nove strateške dokumente.

Akcioni plan za provedbu Strategije pokriva četiri strateška cilja razrađena kroz 50 strateških programa i ukupno 152 aktivnosti razvrstanih u 12 različitih vremenskih rokova.

Naglašavamo da su predmet informacije aktivnosti, planirane da se realiziraju kroz vremenski okvir: dva mjeseca po usvajanju Strategije, tri mjeseca po usvajanju Strategije, šest mjeseci po usvajanju Strategije, sredina 2017. godine, prva godina po usvajanju Strategije kao i aktivnosti koje se odnose na kontinuirano provođenje tokom trajanja Strategije i aktivnosti čiji rokovi realizacije teku od trenutka usvajanja zakona, usvajanja izmjena i dopuna zakona, periodom od okončanja analiza odnosno periodom nakon okončanja pojedinih aktivnosti.

Zbog boljeg uvida u definirane vremenske rokove za realizaciju aktivnosti i broj aktivnosti unutar pojedinačnih rokova, u tabeli 1. dat je njihov prikaz.

Vremenski rok	Broj aktivnosti unutar vremenskog roka
<i>Dva mjeseca po usvajanju Strategije</i>	2
<i>Tri mjeseca po usvajanju Strategije</i>	1
<i>Šest mjeseci po usvajanju Strategije</i>	7
<i>Sredina 2017. godine</i>	3
<i>Prva godina po usvajanju Strategije</i>	50
<i>Godina i šest mjeseci nakon usvajanja Strategije</i>	3
<i>Dvije godine po usvajanju Strategije</i>	25

<i>Kraj 2018. godine</i>	1
<i>Dvije godine i šest mjeseci po usvajanju Strategije</i>	1
<i>Tri godine po usvajanju Strategije</i>	3
<i>Rokovi realizacije uslovljeni stupanjem na snagu zakona ili poslije okončanja planiranih analiza, poslije okončanja aktivnosti ili donošenja podzakonskih akata</i>	13
<i>Kontinuirano</i>	43
Ukupno	152

Tabela 1: Prikaz vremenskih rokova i broj aktivnosti iz Akcionog plana

U tabeli 2. prikazani su strateški ciljevi, broj strateških programa i broj aktivnosti unutar svakog pojedinačnog strateškog cilja.

Br.	Ciljevi	Broj strateških programa	Broj aktivnosti
1	Prevenција korupcije/ 5 strateških ciljeva	19	73
2	Suzbijanje korupcije/ 4 strateška cilja	15	40
3	Razvijanje svijesti o štetnosti korupcije i saradnja sa građanskim društvom/ 3 strateška cilja	7	19
4	Koordinacija, monitoring i evaluacija antikorupcijskih aktivnosti/ 4 strateška cilja	9	20
UKUPNO		50	152

Tabela 2. Pregled broja strateških programa i aktivnosti unutar svakog strateškog cilja

INFORMACIJA O REALIZACIJI AKTIVNOSTI IZ AKCINOG PLANA ZA PROVEDBU STRATEGIJE ZA BORBU PROTIV KORUPCIJE 2016.-2019. FEDERACIJE BiH

Svi podaci iz informacije temelje se na izvještajima i faktografiji koje su dostavile institucije Federacije BiH, provedenim aktivnostima Antikorupcionog tima, praćenjem aktuelnosti i aktivnostima svih aktera na polju borbe protiv korupcije u Federaciji BiH.


Indikatori provedbe kao i procjena provedbe realizacije pojedinih aktivnosti, nakon prve godine od usvajanja Strategije odnosno Akcionog plana za provedbu Strategije prikazani su u Anex-u

1. uz informaciju, koji je sastavni dio informacije, na način da su u kolonama pokazatelja implementacije uneseni svi prikupljeni podaci. Nakon unošenja podataka u kolonu pokazatelja implementacije data je procjena realizacije aktivnosti na osnovu pokazatelja implementacije tekstualnim opisom, „aktivnost provedena/realizirana“, „aktivnosti započete“, „aktivnosti se provode kontinuirano“, „aktivnost nije provedena“.


U tabeli 3. dat je prikaz Strateškog cilja 1 – **Prevenција korupcije**, kroz indikatore vremenskih rokova, ukupan broj aktivnosti koje se odnose na prvu godinu provedbe, te status realizacije sa procjenom provedbe.

Strateški cilj 1 – Prevenција korupcije				
Vremenski rokovi	Ukupno aktivnosti	Status realizacije		
		Da	Ne	U toku
Dva mjeseca	1	1	/	/
Šest mjeseci	2	1	1	/
Prva godina	37	20	1	16
Kontinuirano	12	9	2	1
Ostali rokovi	6	3	3	/
UKUPNO	58	34	7	17

Tabela 3. Pregled Strateškog cilja 1, po vremenskim rokovima, broju aktivnosti i statusu realizacije



Grafički prikaz procenta realizacije aktivnosti u okviru strateškog cilja 1



Grafički prikaz realizacije aktivnosti u okviru strateškog cilja 1

Analizom stepena realizacije Strateškog cilja 1. - Prevencija korupcije, evidentno je, da je planirana provedba ukupno 58 različitih aktivnosti. Za 34 aktivnosti može se dati ocjena da su provedene, za sedam da nisu provedene u planiranom vremenskom okviru, te da se 17 aktivnosti provodi kontinuirano. Od sedam ne provedenih aktivnosti posebni ističemo ne usvajanje Zakona o sukobu interesa u organima vlasti u Federaciji BiH, što direktno utiče na realizaciju aktivnosti koje su uslovljene usvajanjem ovog zakona, a tiču se donošenja podzakonskih akata na nivou federalnih organa vlasti o sukobu interesa. Druga bitna propuštena aktivnost odnosi se na sačinjavanje centralnog registra grantova i poticaja na nivou Federacije BiH. Ova aktivnost je u početnoj fazi realizacije, ali nije realizirana u planiranom vremenskom okviru.


U tabeli 4. dat je prikaz Strateškog cilja 2 – **Suzbijanje korupcije**, kroz indikatore vremenskih rokova, ukupan broj aktivnosti koje se odnose na prvu godinu provedbe, te status realizacije sa procjenom provedbe.

Strateški cilj 2 – Suzbijanje korupcije				
Vremenski rokovi	Ukupno aktivnosti	Status realizacije		
		Da	Ne	U toku
Šest mjeseci	1	1	/	/
Prva godina	8	6	/	2
Sredina 2017	3	1	/	2
Kontinuirano	10	9	/	1
Ostali rokovi	3	/	3	/
UKUPNO	25	17	3	5

Tabela 4. Pregled Strateškog cilja 2, po vremenskim rokovima, broju aktivnosti i statusu realizacije



Grafički prikaz procenta realizacije aktivnosti u okviru strateškog cilja 2



Grafički prikaz realizacije aktivnosti u okviru strateškog cilja 2

Analiza prikupljenih podataka vezano za realizaciju Strateškog cilja 2 – Suzbijanje korupcije, pokazuje da u planiranom vremenskom okviru, (prva godina po usvajanju Strategije) nije

donijet Zakon o zaštiti prijavitelja korupcije u Federaciji BiH. Ne donošenje ovog zakona direktno je uticalo na realizaciju aktivnosti koje su planirane nakon donošenja zakona, a odnose se na donošenje podzakonskih akata na nivou federalnih institucija o zaštiti prijavitelja korupcije. I ova aktivnost je u početnoj fazi realizacije, naime, Federalni ministar pravde, početkom novembra 2017. godine, donio je rješenje o imenovanju Radne grupe za izradu Zakona o zaštiti prijavitelja korupcije u Federaciji BiH.


Evidentan je zastoj u realizaciji aktivnosti oko operativne uspostave Posebnog odjela Federalnog tužilaštva Federacije BiH za suzbijanje korupcije i organizovanog kriminala i Posebnog odjela Vrhovnog suda Federacije BiH. Novčana sredstva su planirana, ali nije osiguran prostor za smještaj odjela. Kontinuirano se provode aktivnosti na osiguranju smještaja ovih odjela. Materijalno i tehničko osposobljavanje odjela nije započeto jer direktno ovisi od osiguranja smještajnih kapaciteta.

U fazi prikupljanja podataka o realizaciji planiranih aktivnosti tokom prve godine provedbe strategije došli smo do podataka da je aktivnosti 2.4.2.4. koja je planirana da se provede do kraj 2018. godine, ne provodiva zbog presude Ustavnog suda Federacije BiH (pojašnjeno u Aneksu 1. izvještaja, aktivnost 2.4.2.4., vidi, kolona pokazatelj implementacije, presuda U-1/15 od 31.12.2016. godine).


U tabeli 5. dat je prikaz Strateškog cilja 3 – **Razvijanje svijesti o štetnosti korupcije i saradnja sa građanskim društvom**, kroz indikatore vremenskih rokova, ukupan broj aktivnosti koje se odnose na prvu godinu provedbe, te status realizacije sa procjenom provedbe.

Strateški cilj 3 – Razvijanje svijesti o štetnosti korupcije i saradnja sa građanskim društvom				
Vremenski rokovi	Ukupno aktivnosti	Status realizacije		
		Da	Ne	U toku
Prva godina	5	/	3	2
Kontinuirano	7	5	/	2
Ostali rokovi	4	/	4	/
UKUPNO	16	5	7	4

Tabela 5. Pregled Strateškog cilja 3, po vremenskim rokovima, broju aktivnosti i statusu realizacije



Grafički prikaz procenta realizacije aktivnosti u okviru strateškog cilja 3



Grafički prikaz aktivnosti u okviru strateškog cilja 3

Analiza podataka vezano za provedbu Strateškog cilja 3 – Razvijanje svijesti o štetnosti korupcije i saradnja sa građanskim društvom, pokazuje najveći broj ne realiziranih aktivnosti u okviru svih drugih strateških ciljeva. Naime, nije realizirana u prvoj godini planirana aktivnost na izradi programa javne kampanje borbe protiv korupcije, što je imalo direktnog uticaja na realizaciju aktivnosti koje su planirane da se okončaju šest mjeseci nakon izrade programa javne kampanje borbe protiv korupcije.

Antikorupcijski tim je inicirao ovu aktivnost kod nadležne institucije za provođenje.

Također nije realizirana planirana aktivnost na ustanovljavanju kriterija putem kojih bi se omogućilo javno priznanje za pojedince i institucije koje iznimno profesionalno obavljaju poslove iz svoje nadležnosti ili su prestižni u smislu čestitosti. Za ovu aktivnost je zadužen Antikorupcioni tim ali ostaje nedoumica vezana za termin „javno priznanje“, ko ga dodjeljuje, kako regulisati to pitanje sa dodjelom drugih javnih priznanja i ko u konačnici donosi odluku. Ovoj aktivnosti će posebna pažnja biti posvećena u narednom periodu.

Također nije realizirana aktivnost vezana za podršku sistemu besplatne pravne pomoći za prijavitelje korupcije u Federaciji Bosne i Hercegovine, pošto realizacija direktno ovisi od donošenja Zakona o zaštiti prijavitelja korupcije.


U tabeli 6. dat je prikaz Strateškog cilja 4 – **Koordinacija, monitoring i evaluacija antikorupcijskih aktivnosti**, kroz indikatore vremenskih rokova, ukupan broj aktivnosti koje se odnose na prvu godinu provedbe, te status realizacije sa procjenom provedbe.

Strateški cilj 4 – Koordinacija, monitoring i evaluacija antikorupcijskih aktivnosti				
Vremenski rokovi	Ukupno aktivnosti	Status realizacije		
		Da	Ne	U toku
Dva mjeseca	1	1	/	/
Tri mjeseca	1	1	/	/
Šest mjeseci	4	4	/	/
Kontinuirano	14	10	1	3
UKUPNO	20	16	1	3

Tabela 6. Pregled Strateškog cilja 4, po vremenskim rokovima, broju aktivnosti i statusu realizacije



Grafički prikaz procenta realizacije aktivnosti u okviru strateškog cilja 4



Grafički prikaz realizacije aktivnosti u okviru strateškog cilja 4

Analiza prikupljenih podataka vezano za provedbu strateškog cilja 4. – Koordinacija, monitoring i evaluacija antikorupcijskih aktivnosti, pokazuje najveći stepen provedbe planiranih aktivnosti, u odnosu na druge strateške ciljeve, ali ovoj činjenici doprinosi i podatak da su vremenski rokovi za provedbu većine aktivnosti iz ovog strateškog cilja određeni da se provode kontinuirano.

Posebno naglašavamo činjenicu da se jedina ne provedena aktivnost odnosi na osiguranje finansijskih, prostornih i materijalnih sredstava za rad jedne ili više osoba koje će asistirati u prikupljanju podataka, analizama i izradi izvještaja o implementaciji antikorupcijskih aktivnosti.

U tabeli 7. dat je zbirni prikaz svih aktivnosti koje se odnose na provedbu sva četiri strateška cilja, a koje su bile planirane da se realiziraju u prvoj godini od donošenja Strategije, odnosno Akcionog plana za provedbu Strategije.


Prva godina nakon usvajanja Strategije				
Vremenski rokovi	Ukupno aktivnosti	Status realizacije		
		Da	Ne	U toku
Dva mjeseca	2	2	/	/
Tri mjeseca	1	1	/	/
Šest mjeseci	7	6	1	/
Sredina 2017	3	1	/	2
Prva godina	50	26	4	20

Kontinuirano	43	33	4	6
Ostali rokovi	13	3	10	/
UKUPNO	119	72	18	29

Tabela 7. Pregled svih aktivnosti iz četiri strateška cilja, u prvoj godini provebe Strategije, po vremenskim rokovima, broju aktivnosti i statusu realizacije



Grafički prikaz procentualne realizacije aktivnosti nakon prve godine od usvajanja Strategije



Grafički prikaz realizacije aktivnosti planiranih za provedbu nakon prve godine provedbe Strategije

Konačno, od 119 planiranih aktivnosti (koje su određene rokom ili da se realiziraju kontinuirano), tokom prve godine provedbe Strategije (Akcionog plana za provedbu Strategije) realizirano je 72 aktivnosti, 29 aktivnosti se provode kontinuirano i 18 aktivnosti nije započeto. Uvažavajući aktuelnost problema vezanih za korupciju, ne možemo ocijeniti provedbu Strategije (Akcionog plana za provedbu Strategije) uspješnom, ali je možemo ocijeniti zadovoljavajućom, uz napomenu da je potrebno uložiti dodatne napore, posvećenost i angažman svih nadležnih za provođenje kako bi se osigurala efikasnija, blagovremenija i kvalitetnija provedba planiranih aktivnosti u okviru zacrtanih rokova.

Antikorupcioni tim je identificirao određene uzroke zbog kojih pojedine aktivnosti nisu provedene ili čija realizacija nije pokrenuta:

- *Određeni broj institucija nije dostavio izvještaj/informaciju o provođenju Strategije ili su podaci iz izvještaja neprecizni ili nisu u skladu sa indikatorima aktivnosti;*

- *Pojedine aktivnosti nisu adekvatno postavljene u smislu neusklađenosti rokova sa aktivnostima, nejasnih indikatora i neadekvatnih provodioca aktivnosti ;*
- *Nedovoljna kompetentnost subjekata provođenja;*
- *Nedostatak finansijskih i drugih resursa.*

Sastavni dio informacije je Anex 1. Akcioni plan za provedbu Strategije za borbu protiv korupcije 2016.-2019. Federacije Bosne i Hercegovine, u kojem su obuhvaćene aktivnosti koje su predviđene da se realiziraju u prvoj godini provedbe Strategije. U koloni implementacija naznačeni su taksativno indikatori vezani za provedbu konkretne aktivnosti, u koloni ocjena stepena realizacije data je opisno procjena stepena realizacije.

Antikorupcioni tim će u skladu sa nadležnostima kontinuirano inicirati i koordinirati provođenje aktivnosti koje su započete, koje su u toku provođenja, kao i aktivnosti čija realizacija nije započeta.

Predlažemo da Vlada Federacije Bosne i Hercegovine, nakon upoznavanja sa Informacijom usvoji sljedeći zaključak:

Z A K L J U Č A K

1. Vlada Federacije BiH prima k znanju Informaciju o provedbi Strategije za borbu protiv korupcije 2016.-2019. Federacije Bosne i Hercegovine nakon prve godine od usvajanja Strategije.

2. Vlada Federacije BiH podržava rad Antikorupcionog tima kao i napore svih aktera nadležnih za provedbu aktivnosti predviđenih Akcionim planom za provedbu Strategije za borbu protiv korupcije 2016.-2019. Federacije Bosne i Hercegovine.

3. Vlada Federacije Bosne i Hercegovine nalaže pokretanje aktivnosti koje nisu realizirane u planiranim vremenskim rokovima, te zadužuje sve aktere na dosljednoj provedbi obaveza iz svoje nadležnosti u skladu sa planiranim vremenskim rokovima za realizaciju.

4. Vlada Federacije BiH posebno insistira na provedbi: aktivnosti 1.1.2.1. (Predlaganje izmjena pravnog okvira kojim se uređuje sukob interesa u organima vlasti Federacije BiH); aktivnosti 2.1.1.1. (Donijeti Zakon o zaštiti prijavitelja korupcije u Federaciji BiH); aktivnosti 2.3.2.2. (Operativno uspostaviti poseban odjel Federalnog tužilaštva Federacije BiH za suzbijanje korupcije i organiziranog kriminala i Poseban odjel Vrhovnog suda Federacije BiH), aktivnosti 2.3.2.3. (Odjele iz aktivnosti 2.3.2.2. materijalno i tehnički osposobiti za operativan rad), kao i aktivnosti 4.1.2.2. (Osigurati finansijska, prostorna i materijalna sredstva za rad jedne ili više osoba koje će asistirati u prikupljanju podataka, analizama i izradi izvještaja o implementaciji antikorupcijskih aktivnosti).

5. Informaciju o realizaciji Aktivnosti iz Akcionog plana za provedbu Strategije za borbu protiv korupcije 2016.-2019. Federacije BiH objaviti na web stranici Vlade Federacije BiH.

Predsjednik Antikorupcionog tima
Vlade Federacije Bosne i Hercegovine
Sead Lisak